

羣

書

拾

補

風俗通義逸文

此十卷外之所遺也嘉定錢詹事曉徵采集頗富仁和孫侍御詒穀復因

其本重加訂補縱不能盡復舊觀然碎金斷壁終可寶愛嗜古者所不忍遺也

易說天先春而後秋地先生而後凋日月先光而後幽

是以王者則之亦先教而後刑三皇結繩五帝畫象三

王肉刑五霸黠巧

二字疑

此言步驟稍有優劣也

太平御覽七十

七

傳曰后稷冬墾田流汗而種田不生者人力非不至天

時不與

御覽三百八十七

俗說天地開闢未有人民女媧搏黃土作人務劇力不

暇供

力一作劣

乃引繩於泥中舉以爲人故富貴者黃土人

貧賤凡庸者經人也

御覽七十八又三百六十

上古之時艸居露宿冬則山南夏則山北

意林錢云上古二句亦

見後無恙條然馬氏先引此條後引無恙云云不相連屬故別出之

大禹闕

疑

百品之羞而菲庖廚殷湯寐寢黃屋駕而乘

露輿

御覽四百三十一

孝文身履革舄而衣弋綈

御覽六百九十七

秦政并吞六國苞宇宙之宏敞

文選齊敬皇后哀策文注

秦相趙高指鹿爲馬束蒲爲脯二世不覺

文選西征賦注

不舉併生三子俗說生子至於三似六畜言其妨父母

故不舉之也謹案春秋國語越王句踐令民生二子者

與之餼生三子者與之乳母三子力不能獨養故與乳母所以人民繁息卒滅強吳雪會稽之恥行霸於中國也古陸終氏娶於鬼方謂之女嬪是生六子皆爲諸侯今人多生三子子悉成長父母完安豈有天所孕育而害其父母兄弟者哉

意林 御覽  
三百六十一

不舉寤生子俗說兒墮地便能開目視者謂之寤生舉寤生子妨父母謹案春秋左氏傳鄭武公娶於申曰武姜生莊公及其叔段莊公寤生驚姜氏因名寤生武公老終天年姜氏亦然安有妨其父母乎

御覽三百  
六十一

不舉父同月子俗云妨父也謹案左氏傳桓公之子與

父同月生因名子同漢明帝亦與光武同月生

意林御覽三

百六十一

不舉生鬢鬚子俗說人十四五乃當生鬢鬚今生而有之妨害父母也謹案周書靈王生而有髭王甚神聖亦克修其職諸侯服享二世休和安在其有害乎

御覽三百七十四

不宜歸生俗云令人衰案婦人好以女易他男故不許

歸

意林文昭案句末疑脫一生字

宅不西蓋俗說西者爲上上蓋宅者妨家長也原其所以西上者禮記南向北向西方爲上爾雅曰西南隅謂

之陳尊長之處也不西益者難一作恐動搖之耳審西益

有害增廣三面豈能獨吉乎類聚六十四御覽一百八十

無恙俗說恙病也凡人相見及通書問皆曰無恙謹案

易傳上古之世艸居露宿恙噬人蟲也善食人心故俗

相勞問者云無恙非為病也匡謬正俗八類聚七十

意林御覽三百七十

菟鶻俗說臘正旦一作祖食得菟鶻者名之曰幸賞以寒

酒幸者善祥令人吉利也或說食菟鶻者令人面免生

鶻露見醜惡今覺得之嘉不為己疾也謹案尚書夏禹

始作肉刑則天象而慎其過故穿踰盜竊者鶻鶻者去

膝蓋骨也

肱者去膝蓋五字舊脫依漢書武帝紀注補之語方完

逮至暴秦亂獄

糾紛烹俎車裂

車裂下一有抽脅二字

黔首窮愁飲泣永歎凡人

食得菟臠以為佳瑞物類相感冀全己之臠也

類聚五初學

記二十九 御覽三十三 又六百四十八 又九百七

俗說臨日月薄蝕而飲令人蝕口謹案日太陽之精君

之象也日有蝕之天子不舉樂里語不救蝕者出行遇

雨恐有安坐飲食重慎也

御覽八百四十九

雷不作醬俗說令人腹內雷鳴謹案子路感雷精而生

尙剛好勇死衛人醢之孔子覆醢每聞雷心惻怛耳

北堂

書鈔百四十六 御覽八百六十五

堪輿書云上朔會客必鬪爭案劉君陽爲南陽牧嘗上

朔設盛饌了無鬪者

御覽八百四十九

俗云五月到官至免

似死字或老字

不遷今年有茂才除蕭令

五月到官破日入舍視事五月四府所表遷武陵令余

爲營陵令正觸太歲主簿令余東北上余不從在事五

月遷太山守

意林

俗說二人共澡手令人鬪爭良無異器共當澡者其祝

曰人相愛狗相齧言狗鬪時洒之以水便自解也

御覽四百

九十

坐不移樽俗說凡宴飲者移轉樽酒令人鬪爭

一作訟



覽四百九十六  
又七百六十一

俗說帷帳不可作衣令人病癘 書鈔百三十二 御覽七百

俗說臥枕戶砌鬼陷 疑其頭 案淮南汜論訓云枕戶機而臥者鬼神聽其首眩陷

義令人病顛 御覽七百三十九

五月蓋屋令人頭禿 初學記四 御覽三十一

諸郭皆諱禿 顏氏家訓書證篇下云當是前代人有姓郭而病禿者

雞伏鴨卵雛成入水雞母隨岸呼之雛出而隨母鴨雞

異類能相隨也 御覽九百十八 孫補

呼雞曰朱朱俗說雞本朱公 一作朱氏翁 化而為之今呼雞

皆朱朱也謹案說文解字罍二口為謹州其聲也讀若

祝祝者誘致禽畜和順之意彌與朱音相似耳

初學記三十

御覽九百十八

呼虎爲李耳俗說虎本南郡中廬李氏公所化爲呼李

耳因喜呼班便怒

御覽八百九十一

肅肅蝦蟇掉尾俗說蝦蟇一跳八尺再跳丈六從春至冬袒裸相逐無它所作掉尾肅肅謹案蝦蟇既處水中其尾又短正使能掉之豈能肅肅乎原其所以當言夏馬夏馬患蠅蚋掉尾振擊

一作擊之

常肅肅也蝦蟇夏馬音

相似

類聚九十三  
御覽九百四十九

戶律漢中巴蜀廣漢自擇伏日俗說漢中巴蜀廣漢土

地溫暑艸木早生晚枯氣異中國夷狄畜之故令自擇  
伏日也謹案漢書高帝分四郡之眾用良平之策還定  
三秦席卷天下蓋君子所因者本也諸公定封加以金  
帛重復寵異令自擇伏日不同於風俗也

類聚五  
覽三十一  
御

赤春俗說赤春從人假貸皆自乏之時謹案詩曰春日  
載陽有鳴鶉鵲月令衣青衣服蒼玉又爾雅春曰青陽  
凡三春時不得服赤也今里語曰相斥角牛原其所以  
言牛不當斥角春不當從人求索也斥與赤音相似

御覽

十二

夏至著五綵辟兵題曰游光厲鬼知其名者無溫疾五

綵辟五兵也案人取新斲織繫戶亦此類也謹案織取  
新斲二三寸帛綴著衣衿以己織維疑告成於諸姑也

後世彌文易以五綵又永建中京師大疫云厲鬼字野  
重游光亦但流言無指見之者其後歲歲有病人情愁

怖復增題之冀以脫禍今家人織新縑皆取著後縑絹

二寸許繫戶上此其驗一作也  
御覽二十三

五月五日賜五色續命絲一作縑俗說以益人命類聚四初學

記四 御覽  
八百十四

五月五日以五綵絲繫臂者辟兵及鬼令人不病溫又

曰亦因屈原類聚四 初學記  
御覽三十一

風俗通逸文六  
抱經堂本

五月五日集五色繒辟兵余問服君服君曰青赤白黑

以爲四方黃爲中央襃方綴于胷前以示婦人蠶一作

功文弼案訖字當在此下也織麥麴懸於門以示農工成傳卽轉

聲以襃爲辟兵耳御覽三十一注云麴麥莖也

織女七夕當渡河使鵲爲橋歲華紀麗

俗說高祖與項羽一作籍戰敗於京索間遁叢薄中羽追

求之時鳩正鳴其上追者以爲必無人一作追者不疑云追者以鳥

在無遂得脫及卽位異此鳥故作鳩杖以賜老人也謹

案少皞五鳩鳩民者聚民也周禮羅氏獻鳩養老漢無

羅氏故作鳩杖以扶老水經注七類聚九十二又九百二十一御覽七百十

太平寰宇  
記五十二

禹入裸國欣起而解裳俗說禹治洪水乃播入裸國君  
子入俗不改其恆於是欣然而解裳也原其所以當言  
皆裳裸國今吳郡是也被髮文身裸以爲飾蓋正朔所  
不及也猥見大聖之君悅禹文德欣然皆著衣裳矣御覽

六百九  
十六

眾口鑠金俗說有美金于此眾人咸共詆訾言其不純  
賣金者欲其售因取鍛燒以見真此謂眾口鑠金御覽  
八百

一十

眾心成城俗說眾人同心者可共築起一城同心共飲

雒陽酒可盡也類聚六十三

錢刀俗說害中有利利旁有刀言人治下率多得錢財

者必有刀劍之禍也御覽八百三十六

燒穰殺瓠俗說家人燒黍穰則使田中瓠枯死也御覽九百

七十九  
孫補

城門失火禍及池中魚俗說池中魚中讀人姓字居近

城城門失火延及其家仲魚燒死謹案百家書宋城門

失火因汲取池中水以沃灌之池中空竭魚悉露見一作

死無但就取一作把之喻惡之滋并中傷良謹一作善類聚

八十又九百三十六意林御覽八百七  
十又九百三十五通鑑注梁紀十六

兩袒俗說齊人有女二人求之東家子醜而富西家子好而貧父母疑不能決問其女定所欲適難指斥言者

偏袒令我知之女便兩袒問其故云欲東家食西家宿

此爲兩袒者也類聚四十 御覽三百八十二引云齊東家則左袒欲西家則右袒其女兩袒父母問其故對曰願東家食而西家息以東家富而醜西家貧而美也

夜糴俗說市買者當清旦而行日中交易所有夕時便罷今乃夜糴穀明其癡騃不足也凡靳不施惠者曰夜

糴御覽四百九十 又七百三十 九 又八百二十八 多末一句

徒不上墓俗說新遭刑罪原解者不可以上墓祠祀令

人死亾謹案孝經身體髮膚受之父母曾子病困啓手



足以歸全也遭刑者髡首剔髮身被加笞新出狴犴臭穢不潔凡祭祀者孝子致齋貴馨香如親存時也見子被刑心有惻愴緣生事死恐神明不歆家是故字當不

疑上墓耳

御覽六百四十二

俗說亾人魂氣飛揚故作魃頭以存之言頭體魃魃然盛大也或謂魃頭爲觸壙殊方語也

御覽五百五十二

墓上樹柏路頭石虎周禮方相氏入壙毆魃象魃象好食亾者肝腦人家不能常令方相立于墓側以禁禦之而魃象畏虎與柏

御覽九百五十四

俗說齊人有空車行魯人有負釜者便持釜置車中行

三一作百里臨別取釜各不相問爲誰亦不謝後車者

一作繫獄當死釜主徑往篡之一作篡人穿壁未達曰

極哉一無此三字車者怒不冒出釜主慙欲與俱死明日主

者以事白齊君齊君義而原之御覽四百二十一又七百五十七

案劉向別錄讎校一人讀書校其上下得謬誤爲校一

人持本一人讀書若怨同家相對爲讎文選魏都賦注

殺青書可繕寫謹案劉向別錄曰殺青者直治竹作簡

書之耳新竹有汗善朽蠹凡作簡者皆於火上炙乾之

陳楚閒謂之汗汗者去其汗也吳越曰殺殺亦治也劉

向爲孝成皇帝典校書籍二十餘年皆先書竹爲易刊

定可繕寫者以上素也由是言之殺青者竹斯爲明矣

今東觀書竹素也

初學記二十八 御覽六百  
六 文選張景陽雜詩注

光武中興以來五曹詔書題鄉亭壁歲補正多有闕誤

永建中兗州刺史過翔

廣韻八戈  
作過相

箋撰卷別改著板上

一勞而久逸

御覽五百  
九十三

俗說有功得賜金者皆黃金也謹案孫子兵書日費千

金千金百萬錢也陳平諫

卽閒字  
古通用

楚千金贈一作二疏

五十斤竝黃金也或云一金亦是一萬錢也

意林 御  
覽六百三

三十

鹹如炭俗說鹹亦與熱正等炭火不可以入口人食得

大鹹亦吐之謹案東海胸人曉知鹽法者云攬鹽木多

日每焦黑如炭非謂竈中火炭也

御覽八百六十五

酢如萁莢謹案孝經說古太平萁莢生階其味酸王者

取以調味後以醯醢代之

御覽八百六十六又八百七十三

俗說驢馬啖賓客宴食已闕主意未盡欲復飲酒餘無

施夏

一作便

出脯鮓椒薑鹽豉言其速疾如驢馬之傳命

書鈔百四十二

御覽八百四十九

案方言豚豬子也今人相罵曰孤豚之子是也

文選荅客難注

馬一匹俗說相馬比君子與人相匹或曰馬夜行目明

照前四丈故曰一匹或說度馬縱橫適得一匹或說馬

死賣得一匹帛或云春秋左氏說諸侯相贈乘馬束帛

束帛爲匹與馬相匹耳

類聚九十三

御覽八百九十

并賦舊有匹馬而應劭釋匹或量首數蹄斯豈辯物之用要哉原夫古之正名車兩而馬匹兩稱自以竝耦爲用蓋車貳佐乘馬儷駢服服乘不隻故名號必雙名號一正則雖單爲匹矣匹夫匹婦亦配義也夫車馬小義而歷代莫悟況鑽灼經典能不謬哉

車一兩謂兩兩相與爲體也原其所以言兩者箱轅及

輪兩兩而耦故稱兩耳

類聚七十一

御覽七百七十六

通鑑注

漢紀三十三

鹿車窄小裁容一鹿也或云樂車乘牛馬者剗斬飲飼達曙今乘此雖爲勞極然入傳舍偃臥無憂故曰樂車

無牛馬而能行者獨一人所致耳

御覽七百七十五後漢書趙熹傳注

通鑑注晉紀二十

俗說大餓不在一字有車飯謂正得一車飯不復活也或

曰輔車上飯小小不足濟也案吳郡名酒杯爲盪

字見方言

廣雅曹憲音又章反

言大餓人得一盪飯無所益也寧相六不守

熟案蒸飯更泥

疑當從說文作氣流

謂之餽音與六

孫補相似也

四百八十六又八百五十

疲馬不能度繩俗說馬羸不能度繩索或云不能度種

菜畦塍也謹案齊有繩水栽廣三四步言馬之疲乃不

能度此水耳

類聚九十三御覽八百九十七

殺君馬者路旁兒也俗說長吏食重祿芻橐豐美馬肥

希出路旁小兒觀之却驚致死案長吏馬肥觀者快之

乘者喜其言

御覽作觀者快馬之走驟也騎者云云今從類聚

驅馳不已至於

瘠死

類聚九十三覽八百九十七

御

賣牛勿握角令不售案恐觸人人不敢取也

御覽八百九十七

周禮五黨為州州疇也州有長使之相周足

一作是也類聚

六御覽百五十七

周制天子方千里分為百縣縣有四郡郡者羣也故左

氏傳曰上大夫受縣下大夫受郡至秦始皇初置三十

六郡以監縣縣平也

意林

史記秦始皇本紀正義

類聚六

御覽百五十七

周禮百里曰同所以獎王室協風俗總名為縣縣𡈼也

首也從系倒首舉首易偏矣言當𡈼靜平徭役也水經注二

御覽百五十七 文昭案首也疑當從意林作平也

𡈼與平皆與縣聲相諧合下方云倒首上必不以首為

正釋且從系亦當作從𡈼與說文自別下云𡈼靜平

徭役正申說𡈼也平也之義首也之訓殊無意理

周禮五家為鄰四鄰為里春秋國語五家為軌十軌為

里里者止也里有司司五十家共居止同事春秋通其

所也續漢書百官志注 廣韻 六止 御覽百五十七

國家制度大率十里一鄉續漢書百官志注

謹案春秋國語置有寓望謂今亭也民所安定也亭有

樓從高省丁聲也漢家因秦大率十里一亭亭畱也今



語有亭待蓋行旅宿食之所館也亭亦平也訟諍吏留

辨處勿失其正也亭吏舊名負弩改爲亭脫當長或謂

亭父御覽百九十四續漢書百官志注

中人城北四十里有左人亭鮮虞故邑御覽百六十一

鮮作城郭城盛也從土成聲郭大也意林水經注二

郭亦謂之郭郭者亦大也初學記二十四御覽百九十三

論語夫子宮牆數仞禮記季武子入宮不敢哭由是言

之宮室一也秦漢已來尊者以宮爲常號下乃避之云

室耳弟子職曰室中握手論語曰譬如宮牆由此言之

宮其外室其內也御覽百七十四

魯昭公設兩觀於門是謂之闕從門歎聲

水經注十六

殿堂象東井形刻作荷菱荷菱水物也所以厭火

類聚六十

三

初學記七

廣韻

三十二霰又百八十八

屋止也

廣韻一屋

案天子有外屏令臣下氣息

意林

屏卿大夫以帷士以簾稍有弟

古第字

以自鄣蔽也示臣

臨見自整屏風處也

廣韻四十靜御覽百八十五

門戶鋪首謹案百家書云公輸般見水上蠡

音螺

謂之曰

開汝匣

一作頭

見汝形蠡適出頭般以足畫圖之蠡引閉

其戶終不可得開般遂施

一作設

之門戶欲使閉藏當如

此周密也

類聚七十四 御覽百八十八 又七百五十

鑰施懸魚魚翳伏淵源

疑深淵

欲令鍵閉如此

御覽百八十四

府聚也公卿牧守道德之所聚也

廣韻九度 漢紀七

眾經音義

十作公卿牧守文 書財賄所聚也

廷正也言縣廷郡廷朝廷皆取平均正直也

後漢書郭太傳注

通鑑注 周紀二

寺司也諸官府所止皆曰寺

後漢書光武紀注 通鑑注漢紀三十五

寺者

嗣也理事之吏嗣續於其中也

後漢書和帝紀注 通鑑注漢紀三十五

今

尚書侍御史謁者所止皆曰寺

文選吳都賦注 楨贈徐幹詩注

又劉

瑜書注 瑜與岑文

京師有長壽街萬歲街士馬

孫云疑脫一街字

若此非一街者

攜也離也四出

一作通

之路攜離而別也

御覽百九十五廣韻十三佳

開城外郭內里門也

御覽百八十二

市恃也養贍老少

一作言交易而退

恃以不匱也亦謂之市井

俗說市井謂至市鬻賣者當於井上洗濯其物香潔及

自嚴飾乃到市也

一作洗濯令鮮潔然後市

謹案春秋井田記人年

三十受田百畝以食五口五口爲一戶父母妻子也公

田十畝廬舍五畝成田一頃十五畝八家而九頃二十

畝共爲一井廬舍在內貴人也公田次之重公也私田

在外賤私也井田之義一曰無泄地氣二曰無費一家

三曰同風俗四曰合巧拙五曰通財貨因井為市交易

而退故稱市井也

詩陳風正義 後漢書劉寵傳注 初學記二十四 御覽百九十一

又八百二十七

漢改郵為置置者度其遠近之閒置之也

後漢書郭今太傳注

吏郵書掾府督郵職掌此

續漢書輿服志注

傳舍案諸侯及使者有傳信乃得舍於傳耳

意林無諸侯及三字

今刺史行部車號傳車從事督郵

文選范雲贈張徐州詩注 又任昉哭范

僕射 詩注

南北曰阡東西曰陌河南以東西為阡南北為陌

史記秦本

紀索隱 田賦注

意林 初學記二十四 文選籍 御覽百九十五 困學紀聞十六

里語云越陌度阡更為客主

文選魏武帝短歌行注孫補

苑

與苑同

蘊也言薪蒸所蘊積也

意林四

初學記二十御覽百九十六

囿者畜魚鼈之處也囿猶有也

御覽百九十六

園援也从口袁聲四皓園公亦本園者

御覽八百二十四

圃補也从口甫聲

同上

井法也節也言法制居人令節其飲食無窮竭也

初學記七

百十九

御覽八

孫子云金城湯池而無粟者太公墨翟不能守之

意林

孫子有金城湯池之說後人因此開地為池以養魚鼈

初學記七

海一云朝夕池

初學記六下云一云天池亦云大壑巨壑出老子及風俗通孫補

丞者承也相者助也

類聚四十五

漢武帝諱徹改曰通侯或曰列侯秦時六國未平將帥

皆家關中故稱關內侯通侯言其功大通於王室列者

言其功德列著

古著字

乃饗爵也

御覽百九十八

牧守長不宜數易案尚書有考績孔子曰如有用我者

期月而已三年有成鄭子產從政三年民乃歌之賢聖

尚須漸進況中才乎數易豈不紛錯道路也

意林

尚書御史臺皆以官倉頭為史主賦舍凡守其門戶

續漢

書百官

志注

有秩則田閒大夫言其官裁有秩耳

續漢書百官志注  
通鑑注周紀五

嗇者省也夫賦也言消息百姓均其役賦

續漢書百官志注

古制本無奴婢奴婢皆是犯事者或原之奴者劣婢者

卑陋

意林

臧者被臧罪沒入爲官奴婢獲者逃亡獲得爲

奴婢也

類聚三十五  
初學記十九

易云利見大人大人與聖人其義一也

意林

論語云君子上達臧孫紇曰後有達者將在孔丘乎

同上

儒者區也言其區別古今居則翫聖哲之詞動則行典

籍之道援先王之制立當時之事綱紀國體原本要化

此通儒也若能納而不能出能言而不能行講誦而已



無能往來此俗儒也

後漢書杜林傳注  
又賈逵傳注

章帝時以賈逵爲通儒時人語曰問事不休賈長頭

林意

禮云羣居五人長者必異席今呼權貴作長者非也

同上

管子云先生施教弟子則之非知古之道是師者之稱

此二語疑有譌大意謂古者以先生爲師之稱也

諸生弟子學者非一故曰諸

先生者當如醒學者譬如醉言生俱醉獨有醒者

同上

祭酒禮云飲酒必祭尊其先也孫卿在齊最是老師

道藏

本作師  
老誤

故三稱祭酒

同上

士詩云殷士膚敏髦士俊秀雅士博達列士有不易之

分處士隱居放言

同上  
孫云文選曹子建雜詩注引  
烈士者有不易之分又鸚鵡賦注引

處士者隱  
居放言也

易曰師貞丈人吉非徒尊老須德行先人也傳云杖德

莫如信言其恩德可信杖也

同上 文昭案左傳無德字此所說亦別解

禮云十尺曰丈成人之長也夫者膚也言其智膚敏宏

教也故曰丈夫

同上

論語云匹夫匹婦傳云一晝一夜成一日一男一女成

一室案古人男女作衣用二匹今人單衣故言匹夫

同上

夫人當龍變

周孝廉勤補云疑脫雲字漢書敘傳雲起龍襄化為侯王

起不繫鄉里

若止繫風俗見善不徙故謂之俗人

同上

禮言簡不肖案生子鄙陋不似父母曰不肖今人謙辭

亦曰不肖

同上 孫云文選報任少卿書注引生子不似父母曰不肖

方言人不事事而放蕩謂之無賴不可恃賴也猶高祖

謂太上皇云大人以臣無賴也

同上

采女案采者擇也以歲八月雒陽民遣中大夫與掖廷

丞相工閎視童女年十三以上二十以下長壯妖潔有

法相者載入後宮

文選皇后紀論注

漢以八月算人后家以金帛賂遺主者以求入也

後漢書

后紀注

孫補

列侯尚公主國人尚翁主以妻制夫陽屈於陰爾

初學記十

御覽百

五十四

易稱帝乙歸妹以祉元吉婦人謂嫁娶之禮曰歸歸其

妹於諸侯亨享終吉也初學記十

延熹中中常侍單超左悺徐璜具瑗唐衡在帝左右縱

其姦慝時人爲之語曰左迴天徐轉日具獨坐唐應聲

言其信用甚於轉圓也御覽三百九十三又四百九十六

禮臣子無爵謚君父之義也故羣臣累其功美葬日遣

太尉於南郊告天而謚之後漢書明帝紀注

天子一作皇帝新崩未有一有定字謚故且稱一作總其名曰大行皇帝

後漢書安帝紀注文選元皇后哀策文注

宮車晏駕謹案史記曰王稽謂范雎曰夫事有不可知

者有不可奈何者一旦宮車晏駕是事不可知也君雖

恨於臣是無可奈何謂秦昭王以天年終也昔周康王

一旦晏起詩人以爲深刺天子當夜寢早作身省萬機

如今一作今忽崩殞則爲晏駕矣

文選竟陵王行狀注又恨賦注

梓宮者禮天子斂以梓器宮者存時所居緣生事亾因

以爲名凡人呼棺

呼一作之

亦爲宮也

後漢書明帝紀注文選齊敬皇后哀策

文注 御覽 五百五十

葬之郭北北首求諸幽之道

文選詠懷詩注

案秦昭王太后始臨朝也

意林

十月謂之應鍾何應者應也鍾者動也言萬物應陽而

動不藏也

御覽二十七

十二月律謂之大呂何大者太也旅拒也言陽氣欲出

陰不許也呂之言拒也依卽

疑

拒難之也

御覽二十七

月與星竝無光日照之乃光耳如以鏡光照日則影見

壁月初見西方月望後光見東北一照也

御覽六

吳牛望月則喘彼之苦於日見月怖亦喘之矣

御覽四

風或清明來久長不搖樹木枝葉離地三二丈者此有

龍德在其下風或清明不及二三尺者此君子之風也

類聚一  
御覽九

猛風曰颶涼風曰瀏微風曰飈小風曰颺小風從孔來

曰颺初學記一  
御覽九

積冰曰凌壯冰曰凍冰流曰澌冰解曰泮初學記七  
御覽六十八

醬成於鹽而鹹於鹽夫物之變有時而重類聚七十二  
御覽八百

六十

五月有落梅風江淮以為信風又其霖霖號為梅雨沾

衣服皆敗斃御覽九  
百七十

夫火者南方陽光輝為明聖人嚮之而治取其象也初學

記二  
十五

言人清高如冰之潔文選漢高祖功  
臣頌注孫補

南陽酈縣有甘谷谷中水甘美云其山上大有菊華水

從山上流下得其滋液谷中三十餘家不復穿井仰飲此水上壽者百二三十中者百餘歲七八十者名之爲夭菊華輕身益氣令人堅強故也司空王暢太尉劉寬太傅袁隗爲南陽太守聞有此事令鄧縣月送水三十斛用之飲食諸公多患風眩皆得瘳

一作作用飲食澡浴終然無益類聚

八十一 初學記二十七 御覽五十四 又九百九十六

案明帝起居注上東巡泰山到滎陽有鳥飛鳴乘輿上虎賁王吉射中之作辭曰烏烏啞啞引弓射洞左腋陛下壽萬歲臣爲二千石帝賜錢二百萬令亭壁悉畫爲

鳥也

初學記三十 御覽七百三十六 又九百二十



梧桐生於嶧山陽巖石之上采東南孫枝爲琴聲甚雅

御覽九百五十九

柘材爲弓彈而放快

御覽九百五十八

橙皮可以爲醬齏

御覽九百七十一

菖蒲放花人得食之長年

御覽九百九十九

謹案詩曰手如柔荑荑者茅始熟中穰也旣白且滑

御覽

九百九十六

蓬生麻中不扶自植

類聚八十五  
御覽九百九十五

御

桑車榆轂聞聲

疑脫知字之類聚八十八

荆鼈令死尸隨水上荆人求之不得也鼈令至岷山下

已復生起見蜀望帝帝使鼈令鑿巫山然後蜀得陸處

望帝自以德不如以國禪與鼈令爲蜀王號曰開明

御覽

五十六

案怪神篇雖有鼈令事而語不詳當別爲一條

秦昭王遣李冰爲蜀郡太守開成都兩江溉田萬頃江水有神歲取童女二人以爲婦不然爲水災主者白出錢百萬以行聘冰曰不須吾自有女到時裝飾其女當以沈江水徑至神祠上神坐舉酒酌曰今得傳九族江君大神當見尊顏相進酒冰先投杯但澹淡不耗冰厲聲曰江君相輕當相伐耳拔劍忽然不見良久有兩蒼牛鬪於岸旁有閒冰還流汗謂官屬曰吾鬪大極當相

助也若欲知我南向腰中正白者我綬也主簿乃刺殺

北面者江神遂死蜀人慕其氣決凡壯健者因名一作名之

又一作名予曰冰兒水經注三十三類聚九十四史記河渠書正義御覽二百六十一又六百

八十二又八百八十二

潁川張欽孟孝吳楚反與亞夫常爲前鋒陷陳潰圍傷

人觀曰壯哉此君欽聞自矜遂死軍御覽三百八十六

張仲春武帝時人也善雅歌與李延年同時每奏新歌

莫不稱善然不知休息終至於敗亡以諭人之進退當

有節奏御覽五百七十二

汝南周勃辟太尉清詔使荊州後漢書第五種傳注

袁湯時年八十六有子十二人

後漢書袁安傳注

光祿華胄上戴就爲主事

後漢書獨行傳注

太山巖石松樹鬱鬱蒼蒼如雲中

文選謝朓之宣城詩注

謹案自郊軀腰春秋饗射天子射麋掩雉獻諸宗廟扶

陽發滯養老致敬化之至也

御覽三十三

謹案禮臣有大喪三年不呼其門

御覽五百四十六

武帝廣開獻書之路立五經博士開弟子員設科射策

勸以官祿訖於元始百有餘年書積如丘山傳業浸眾

枝葉繇滋經說百萬言蓋祿利之路然也

御覽六百八

光武車駕徙都洛陽載素簡紙經凡二千兩董卓盪覆

王室天子西移中外倉卒所載書七十車於道遇雨分

半投棄卓又燒炳觀閣經籍盡作灰燼

御覽云卽於處燒燔糜爲灰穢

所有餘者或作囊帳先王之道幾煙滅矣

意林 御覽 六百十九

今宴飲大會皆先黍臠

御覽八百五十

昭帝時大官上食羹中有髮切中有土令丞坐不謹敬

皆論死

御覽八百六十一

牛乃耕農之本百姓所仰爲用最大國家之爲強弱也

建武之初軍役亟動牛亦損耗農業頗廢米石萬錢天

愛斯民扶助聖主事有徵應於是旅穀彌望野繭被山

類聚八十五 御覽八百三十七

光武中興以來五曹詔書題鄉亭壁歲補正多有闕誤

永建中兗州刺史過翔箋撰卷別改著板上一勞而久

逸御覽五百  
九十三  
此條誤重

鈴柄施懸魚魚者欲君臣沈靜如魚之入水不可復得

聞見耳御覽三百  
三十八

彭祖壽年八百歲猶恨唾遠御覽三百  
八十七

趙王好大睂人聞半額一本本人作閭楚王好廣領國人沒

頸齊王好細腰後宮有餓死者御覽三百八十九  
又四百九十六

東海王景興議曰晏平仲以齊君奢故澣其朝冠振其

鹿裘御覽八百  
二十六

吳王夫差大敗齊于艾陵還誅子胥取其身流之江挾

其目東門曰使汝視越之入吳也

匡謬正俗八

潁川黃子廉者每飲馬投錢于水中

御覽四百二十六又八百三十六

案愆禮卷載太原郝子廉事絕相類此云潁川黃子廉唯姓不同耳豈本一事而傳者異與

汝南陳伯敬行必矩

舉

步坐必儼然目有所見不知其

肉

御覽三百九十三

又八百六十二

大昕案後漢

書郭躬傳云司徒河南吳雄少時家貧喪母營人所不封土者擇葬其中喪事趣辦不問時日醫巫皆言當族滅而雄不顧司隸校尉下邳趙興亦不卹諱忌每入官舍輒更繕修館宇移穿改築故犯妖禁而家人爵祿益用豐熾汝南陳伯敬者行必矩步坐必端躬呵叱狗馬終不言死目有所見不食其肉行路聞凶便解駕畱止還觸歸忌則寄宿鄉亭年老寢滯不過舉孝廉後坐女壻亾吏太守邵夔怒而殺之時人罔忌禁者多談爲證焉此條疑風俗通之文御覽所引卽是此事而詞意

未完

伯魚之生適有饋孔子魚者嘉以為瑞故名鯉字伯魚

御覽九百三十五

丁壯小犢跳梁弄角飲水數石生芻十束當風路露夜通

至死不曲御覽八百九十九

俗云亂如蘊者糞除不潔艸介集众疑火就燒之謂之

蘊言其烟氣縕縕取其希有淆亂御覽八百七十一

鎌刀自疑葵積芻蕘之效御覽七百六十四

案里語厚哉鮑管探腸案腹不清淨然尙不盥蓋言不潔

為嫌何其財而生喜怒也御覽三百九十五

風俗通逸文二十四 抱經堂本



刻葦傷盜為槍

御覽三百五十四

耳珠曰瑠

書鈔百三十五御覽七百十八

火斗曰尉

廣韻八未

織毛褥謂之璫瑜

廣韻十虞

丸毛謂之鞠

御覽七百五十四以上四條疑出服虔通俗文

笈學士所以負書箱如冠籍箱也

御覽七百十一題云風俗記

顏色厚取顧眄所以親密

文選嵇叔夜贈秀才入軍詩注孫補

汝南主簿應劭議立為舊君諱論者皆互有異同

三國吳志

七注云事在風俗通

彭城孝廉張子矯議云若君臣不得相襲作名周穆王

諱滿至定王時有王孫滿厲王諱胡莊王之子名胡林意

謹案律者法也皋陶謨虞始造律蕭何成以九章此關

諸二字疑書鈔四十五無百王不易之道也時所制曰令漢書著

于甲令夫吏者治也當先自正然後正人故文書下如

律令言當履繩墨動不失律令也文選陳琳檄豫州文注類聚五十四

御覽六百三十八作故承憲履繩動不失律令也

易噬嗑爲獄十月之卦從犬言聲二犬亦所以守也林意

云獄字二犬守言無情狀犬亦得之與此所引小異廷者陽也陽尙生長獄者陰

也陰主刑殺故獄皆在廷北順其位詩云宐犴宐獄犴

司空也周禮凡萬民之有罪過未離於法者桎梏以上

坐諸嘉石役諸司空令平易道路也

御覽六百四十三

周禮三王始作獄夏曰夏臺言不害人若游觀之臺桀拘湯是也殷曰羑里言不害人若於閭里紂拘文王是也周曰囹圄囹圄令圉舉也言令人幽閉思愆改惡爲善因原之也今縣官錄囚皆舉也

意林 御覽六百四十三

自辛爲臯令其辛苦憂之也秦皇謂臯字似皇故改爲

罪

意林 御覽六百四十一 孫補

囚適也言辭窮情得以罪誅適也禮罪人寘諸圜土故囚罪人置諸圓土故囚字爲口中人此其象也

意林 初學記

二十 御覽 六百四十二

械戒也所以警戒使爲善也枉實也言其下垂至地然

後吐情首實

御覽六百四十四

頃者廷尉多牆面而苟充茲位治書侍御史不復平議

讞當糾紛豈一事哉里語曰縣官漫漫冤

意林作怨

死者半

御覽

二百二十六又四百九十六

昔在清平之世使明恕君子哀矜折

獄尙有怨言況在今時耶

意林上承里語三句

百里奚爲秦相堂上作樂所賃澣婦自言知音呼之搏

髀援琴撫絃而歌者三其一曰百里奚五羊皮憶別時

烹伏雌炊扈屨今日富貴忘我爲其二曰百里奚初娶

我時五羊皮臨當別時烹乳雞今適富貴忘我爲其三

曰百里奚百里奚母已死葬南谿墳以瓦覆以柴春黃  
藜搯伏雞西入秦五穀皮今日富貴捐我爲問之乃其  
故妻還爲夫婦也

樂府解題

書鈔百  
二十八  
古詩紀

司農黃昌爲蜀郡太守得所失婦便爲正室使後婦下  
之

通典禮四十  
九虞瞻議引

河南平陰

一作南陽  
無平陰字

龐儉本魏郡鄴人遭倉卒之世失

亾其父時儉三歲弟纔繼抱耳流轉客居廬里中鑿井  
得錢千餘萬遂溫富儉作府吏躬親家事行求老蒼頭  
謹信屬任者年六十餘直二萬錢使主牛馬耕種有賓  
婚大會母在堂上酒酣陳樂歌笑奴在竈下助廚竊言

堂上母我婦也客罷婢語次說老奴無狀爲妄語所說不可道也窮詰其由母謂婢試問其形狀奴曰家居鄴時在富樂里宛西婦艾氏女字阿橫大兒字阿疑小兒曰越子時爲縣吏爲人所略賣阿橫右足下有黑子右腋下赤誌如半櫛母曰是汝公也因下堂相對啼泣兒婦前爲汝公拜卽洗浴身見衣被遂爲夫婦如初儉子歷二千石刺史七八人時人爲之語曰廬里諸龐鑿井得銅買奴得公子孫羞之言我先人初居廬里者兄弟二人家買奴得公爾

類聚三十五 御覽百八十九 又四百七十二 又五百

蜀郡任嘉年三四歲時父騰爲諸生於漢中就師有盜

賊道路斷絕蜀亦覆沒轉客長沙爲州郡吏後嘉爲長沙太守騰爲奏曹掾默知嘉實其子也嘉母語次謂嘉曰奏曹任掾則汝父也但差老耳嘉曰天下豈獨蜀有一任夫人何以老更生邪意母曰咄我守養汝數十年無嫌譏豈以垂沒更失計哉顧實真父不可棄捐後嘉問掾聲音何類太守何州里邪掾曰本犍爲武陽人蓬轉流宕到此母察審諦又識左車

一作耳

前贅因出抱持

對之流涕嘉自拔榻歔歔咽

御覽二百五十九

陳畱太守泰山吳文章少孤遭憂衰之世與兄伯武相失別二十年後相會下邳市中爭計共鬪伯武毆文章

文章欲報擊之心中悽愴手不能舉大自怪也因投杖  
於地觀者咸笑之更相借問乃親兄也相持涕泣觀者  
復曰兄校弟不得報兄向者所笑乃其義也

御覽五百  
十六又

八百二  
十七

汝南周霸字翁仲爲太尉掾婦於乳舍生女自毒無男  
時屠婦比臥得男因相與私貨易裨錢數萬後翁仲爲  
北海相吏周光能見鬼署爲主簿使還致敬於本郡縣  
因告光曰事訖臘日可與小兒俱上冢去家經十三年  
不躬烝嘗主簿微察知相先君寧息會同飲食忻娛否  
往到於冢上郎君沃酹主簿俛伏在後但見屠者弊衣



蠡結

卽螺髻

踞神坐持刀割肉有五時衣帶青墨綬數人

彷徨陰堂東西廂不敢來前光怪其故還至引見問之  
乞屏左右起造於膝前白事狀如此翁仲曰主簿出勿  
言因持劔上堂問姬女何以養此子姬大怒曰君常言  
兒體質聲氣喜學似我老公欲死爲作狂語翁仲具告  
之曰祀祭如此不具服子母立截姬辭窮情竭泣涕具  
陳其故時子年已十八呼與辭決曰凡有子者欲以承  
先祖先祖不享血食無可柰何自以衣裘僮僕車馬迎  
取其女女嫁爲賣麤子婦後適安平李文思文思官至  
南陽太守翁仲便養從弟子熙爲高邑令神不歆非類

明矣安得養他人子乎

意林 御覽三百六十一 又八百八十三

將作大匠陳國公孫志節有蒼頭地餘年十七情性聰惠儀狀端正工書疏志節爲戶曹史令地餘歸取資用因持車馬亡去到丹陽自云姓王名斌字文高遂畱爲諸曹史志節拜揚州刺史郡選曹衣冠子弟皆出斌下乃用之斌乞屏左右叩頭涕洟曰斌卽明使君地餘也斌後爲蒼梧太守

類聚三十五 初學記十九 御覽五百

楊範字文端齊人齊宋之亂母在賊中採椹藏於地夜取之進母如是非一忽於地中得米十斛上有字云米十斛賜孝子楊範以資給母

御覽四百一十一

汝南王叔漢父子方出游二十餘年不還叔漢作尙書  
郎有人告子方歿於汝南卽遣兄伯三往迎喪叔漢卽  
發哀詔書賻錢二十萬旣而子方從蒼梧還叔漢詣闕  
乞納賻錢受虛妄罪靈帝詔將相大夫會議之博士任  
敏議云凡人中壽七十視父同儕亾可製服也子方在  
遠人指其處不可驗也罪不可加焉詔書還錢復本官  
意林

濟北李登爲從事史病得假歸家延期後被召登自嫌  
不甚羸瘦謂雙生弟寧曰我兄弟相似人不能別汝差  
類病者代我至府寧曰府君大嚴得毋不可登曰我新

吏耳無能識者我自行見主必死寧詣府主不辨後爲

人所言事發覺遂殺登

御覽六百三十四

陳畱

一作陳國張伯喈

一作弟仲喈婦炊於竈下至井上謂

伯喈曰我今日妝寧好不伯喈曰我伯喈也婦大慙愧

其夕時伯喈到夏衣婦復牽伯喈

一作婦復遂牽其背

曰今旦大

誤謂伯喈爲卿荅曰我故伯喈也蓋親密無過夫婦然

尙如此況於初未相見而責先識之乎

御覽三百九十六又四百九

十二

類聚三十二云有張伯喈仲喈兄弟形貌絕相

類仲喈妻新妝竟忽伯喈至乃戲問曰今日妝飾好否

伯喈應之曰我伯喈也妻乃趨避之須臾又見伯喈

猶以爲仲喈告云向大錯誤伯喈曰我故伯喈也

陳畱有富室公年九十無子取田家女爲妾一交接即

氣絕後生得男其女誣其淫泆有兒曰我父死時年尊  
何一夕僂有子爭財數年不能決丞相郗吉出上殿決  
獄云吾聞老公子不耐寒又無影時歲八月取同歲小  
兒俱解衣裸之此兒獨言寒復令竝行日中獨無影大  
小歎息因以財與兒一作因與其財  
三百八十八  
又八百三十六  
意林 御覽  
沛郡有富家公資二千餘萬小婦子年裁數歲頃失其  
母又無親近其大婦女甚不賢公病困思念惡聲爭其  
財兒判不全因呼族人爲遺令云悉以財屬女但遺一  
劍與兒年十五以還付之其後兒大姊不肖與劍男乃  
詣郡自言求劍謹案時太守大司空何武也得其辭因

錄女及贅省其手書顧謂掾史曰女性強梁贅復貪鄙  
其父畏賊害其兒又計小兒正得此財不能全護故且  
俾與女內實寄之耳不當以劔與之乎夫劔者亦所以  
決斷也限年十五者智力足以自活度此女贅必不復  
還其劔當聞縣官縣官或能證察得以見伸展也凡庸  
何能思一作用慮強遠如是哉悉奪取財以與子曰弊女  
惡贅溫飽十五歲亦以幸矣於是論者乃服謂武原情

度事得其理

御覽六百三十九  
又八百三十六

南郡讞女子何侍爲許遠妻侍父何陽素酗酒從遠假  
求不悉如意陽數罵詈遠謂侍汝公一作翁復罵者吾

必揣之侍曰類作夫妻奈何相辱揣我公者搏若母矣其後陽復罵遠遠遂揣之侍因上搏姑耳再三下司徒鮑宣決事曰夫妻當作婦所以養姑者也今遠自辱其父非姑所使君子之於凡庸尙不遷怒況所尊重乎當減

死論

御覽六百四十

陳畱有趙祐者酒後自相署或稱亭長督郵祐復於外騎馬將絳幡云我使者也司徒鮑宣決獄云騎馬將幡起於戲耳無它惡意

御覽八百四十六

汝南張妙會杜士士家娶婦酒後相戲張妙縛杜士捶二十下又懸足指士遂至死鮑昱決事云酒後相戲原

其本心無賊害之意宜減死

意林 御覽 八百四十六

臨淮有一人持一匹縑到市賣之道遇雨被戴後人求其庇蔭因與一頭之地雨霽當別因其爭鬪各云我縑詣府自言太守丞相薛宣劾實兩人其冒首服宣曰縑直數百錢耳何足紛紛自致縣官呼騎吏中斷縑各與半使追聽之後人曰受恩前撮之縑主稱怨

意林 作鬼 不已

宣曰然固知當爾也因詰責之具服俾悉還本主

意林 御覽

覽四百九十六 又六百三十九 又八百十八

汝南陳公思爲五官掾王子祐爲兵曹行會食下亭子祐曾以縣官事考殺公思叔父斌斌無子公思欲爲報



仇不能得卒見子祐不勝憤怒便格般之還府歸死時  
太守太傅胡廣以爲陳公思追念叔父仁勇憤發手刃  
仇敵自歸司敗便原遣之

御覽四百八十二

潁川有富室兄弟同居兩婦皆懷妊

一作孕

數月長婦胎

傷因閉匿之產期至同到乳舍弟婦生男夜因盜取之

爭訟三年州郡

一作縣

不能決丞相黃霸出坐殿前令卒

抱兒去兩婦各十餘步叱婦曰

一無日字

自往取之長婦抱

持甚急兒大啼叫弟婦恐傷害之因乃放與而心甚自

悽愴長婦甚喜霸曰此弟婦子也責問大婦乃伏

意林御

覽三百六十一  
又六百三十九

平原郡讞胡譚取周碧爲妻譚陰陽不屬令碧與李方

張少姦通冀得其子

類聚三十五

巴郡宋遷母名靜往阿奴家飲酒遷母坐上失氣奴謂

遷曰汝母在坐上何無空適遷曰腸痛誤耳人各有氣

豈止我母遷罵奴奴乃持木枕擊遷遂死

御覽八百四十六

扶風蘇不韋父爲司隸李暲所逮暲遷司農不韋穿府

北垣徑上聽事斫暲臥具暲一宿數遷

御覽七百八

王制云東方曰夷夷者柢也言仁而好生萬物柢地而

出

後漢書東夷傳文注云見風俗通

羌本西戎卑賤者也主牧羊故羌字从羊人因以爲號

無君臣上下健者爲豪不能相一種別部分強者陵弱

轉相抄盜男子戰死以爲吉病終者送之凶

御覽七百九十四

氏言抵冒貪饕至死好利樂在谿本西南夷又別種號曰白馬孝武帝遣中郎將郭昌等引兵征之降復以爲

武都郡

御覽七百九十四

貊者謹案春秋傳大貊小貊貊略也薄也不知送往勞來無宗廟粢盛賦斂薄也

御覽七百八十孫補

胡者謹案漢書山戎之別種又胡者互也言其被髮左

衽言語贅幣事殊互也

御覽七百九十九

殷時曰獯粥改曰匈奴

奴

史記匈奴傳索隱

昔高辛氏有犬戎之寇帝患其侵暴而征伐不剋乃訪  
募天下有能得犬戎之將吳將軍頭者購黃金千鎰邑  
萬家又妻以少女時帝有畜狗其毛五采名曰槃瓠下  
令之後槃瓠遂銜人頭造闕下羣臣怪而診之乃吳將  
軍首也帝大喜而計槃瓠不可妻之以女又無封爵之  
道議欲有報而未知所宜女聞之以爲帝皇下令不可  
違信因請行帝不得已乃以女配槃瓠槃瓠得負而走  
入南山止石室中所處險絕人跡不至於是女解去衣  
裳爲僕鑒之結著獨力之衣帝悲思之遣使尋求輒遇  
風雨震晦使者不得進經三年生子一十二人六男六

女槃瓠死後因自相夫妻織績木皮染以草實好五色衣服製裁皆有尾形其母後歸以狀白帝於是使迎致諸子衣服斑蘭語言侏離好入山壑不樂平曠帝順其意賜以名山廣澤其後滋蔓號曰蠻夷外癡內黠安土樂舊以先父有功母帝之女田作賈販無關梁符傳租稅之賦有邑君長皆賜印綬冠用獼皮名渠帥曰精夫相呼爲狹徒

後漢書南蠻傳文注云已上竝見風俗通

哀牢夷者其先有婦人名沙壹居於牢山嘗捕魚水中觸沈木若有感因懷姙十月產子男十人後沈木化爲龍出水上沙壹忽聞龍語曰若爲我生子今悉何在九

子見龍驚走獨小子不能去背龍而坐龍因舐之其母  
鳥語謂背爲九謂坐爲隆因名子曰九隆及後長大諸  
兄以九隆能爲父所舐而黠遂共推以爲王後牢山下  
有一夫一婦復生十女子九隆兄弟皆娶以爲妻後漸  
相滋長種人皆刻畫其身象龍文衣背著尾

後漢書西  
南夷傳文

注云以上竝  
見風俗通

巴有賓人剽勇高帝爲漢王時閬中人范目說高祖募  
取賓人定三秦封目爲閬中慈鳧鄉侯并復除目所發  
賓人盧朴沓鄂度夕襲七姓不供租賦閬中有渝水賓  
人左右居銳氣善舞高祖樂其猛銳數觀其舞後令樂

府習之

文選蜀都賦注

槃瓠之後輸布一匹二丈是謂賓布廩君之巴氏出嫁

布八丈

文選魏都賦注

秦始皇遣蒙恬築長城徙士犯罪止依鮮卑山後遂錄  
息今皆髡頭衣赭亾徒之明效也

御覽六百九十七

東方曰夷東方仁好生萬物觝觸地而出夷者觝也其  
類有九 南方曰蠻君臣同川而浴極爲簡慢蠻者慢  
也其類有八 西方曰戎斬伐殺生不得其中戎者兇  
也其類有六 北方曰狄父子嫂叔同穴無別狄者辟  
也其行邪辟其類有五

通鑑注漢紀二十五

音聲逸文

相拊也所以輔相於樂奏樂之時先擊相

御覽五百八十四

雅形如漆笛有椎禮云訊疾以雅是也

同上

論數

御覽引風俗通論數曰時者奇也論數當是篇名

十十謂之百十百謂之千十千謂之萬十萬謂之億十

億謂之兆十兆謂之經十經謂之垓十垓謂之秭

本謬捕下

同案孫子算經改但下云京生秭秭生垓又不同

十秭謂之選十選謂之載十

載謂之極有物有事者紀於此矣過此往者則其數可

紀其名未之或聞也夫數一為特侯

疑

奇隻

句

二為再

偶兩雙

句

三為參四為乘

御覽七百五十



千生万万生億億生兆兆生京京生秭秭生垓垓生壤壤生溝溝生澗澗生正正生載載地不能載也

廣韻五旨

步始於足足率長十寸十寸則尺一躍三尺法天地人

再躍則步

文選四子講德論注

跂者奇也履舄之一也

御覽六百九十七

斛者角也庾三斛四斗秉二十四斛

御覽八百三十

氏姓

廣韻十二齊部云氏姓篇集解引應邵氏姓亦即此篇

史記荀卿列傳困學紀聞引

宋景文說云姓氏篇

萬類之中惟人爲貴春秋左氏傳官有世功則有官族邑亦如之公羊譏衛滅邢論語貶昭公娶於吳諱同姓

也蓋姓有九或氏於號或氏於謚或氏於爵或氏於國  
或氏於官或氏於字或氏於居或氏於事或氏於職以  
號唐虞夏殷也以謚戴武宣穆也以爵王公侯伯也以  
國齊一作曹魯宋衛也以官司馬司徒司寇司空司城也  
以字伯仲叔季也以居城郭園池也以事巫卜陶匠也  
以職三鳥五鹿青牛白馬也御覽三百六十二廣韻引氏姓篇序云凡氏之興  
九事一氏於號唐虞夏殷是也四氏於國齊魯宋衛是也又云凡氏於謚戴武宣穆是也凡氏於字伯仲叔季是也又云氏於職馬三鳥五鹿是也北史高構傳引風俗通姓有九種或氏  
於爵或氏所居

僮氏漢有交阯刺史僮尹廣韻一東通鑑注漢紀五十四

中氏漢有少府卿中京

廣韻一東

蒙氏東蒙主以蒙山為氏秦有將軍蒙驁驁生武武生

恬皆仕秦

通志氏族略

農氏神農之後

廣韻二冬

重氏顓帝重黎之後少昊時重為南正司天之事黎為

北正司地之事

通志氏族略

為氏漢有南郡太守為昆

廣韻五支容齋五筆

隨氏隨侯之後漢有博士隨何

廣韻五支

羲氏堯卿羲仲之後

池氏漢有中牟令池瑗

俱同上

移氏齊公子雍食采於移其後氏焉後漢書楊震傳注

通鑑注漢紀四十二漢有恆農太守移良廣韻五支容齋五筆

卑氏鄭大夫卑諶之後漢有北平太守卑躬後漢書皇后紀注

容齋五筆

離氏離婁孟子門人漢有中庶子離常之通志氏族略

訾氏帝訾妃訾嫫氏女

皮氏周卿士樊仲皮之後漢有皮尙俱同上

邳氏奚仲為夏車正自薛封邳其後為氏漢有信都邳

彤廣韻六脂通志氏族略

纍氏纍祖之後通志氏族略

資氏資成陳畱人

師氏師樂人瞽者之稱晉有師曠魯有師乙鄭有師悝  
師觸師調師成

尸氏其先封尸鄉因以爲氏齊相有尸臣

旗氏齊卿公孫竈之孫樂施字子旗子孫以王父字爲

氏俱同上

非氏非子伯益之後廣韻八微

威氏齊威王之後以田氏始王故其後以爲氏廣韻八微通

志氏族略

肥氏漢有肥韶英布將肥赫通志氏族略孫云肥赫卽下條之資赫

賁氏秦非子之後通志氏族略漢有賁赫晉書音義

魚氏宋桓公子目夷字子魚賢而有謀子孫以字為族

廣韻九魚通志氏族略通鑑注晉紀

二十云宋公子魚之後以王父字為氏

余氏秦由余之後廣韻九魚通鑑注唐紀七十三通志氏族略

諸氏漢有雒陽令諸於廣韻九魚容齋五筆

儲氏齊大夫儲子之後後漢書鮑永傳注

沮氏黃帝時史官沮誦之後後漢書獻帝紀注

巫氏商有巫咸巫賢漢有冀州刺史巫捷廣韻十虞通志氏族略

須氏太昊之後史記魏有須賈廣韻十虞通鑑注周紀五

蒲氏漢有詹事蒲昌廣韻十一模

壺氏漢有諫議大夫壺遂同上

塗氏塗山氏之後漢有諫議大夫塗惲後漢書賈逵傳注廣韻十一

模通志

氏族略

黎氏九黎之後通志氏族略

鞮氏晉銅鞮伯華之後

稽氏稽黃秦賢人也俱同上

注氏漢有大鴻臚注丹注音圭後漢書儒林傳注廣韻十二齊

枚氏六國有賢人枚被通鑑注漢紀九

裴氏伯益之後後漢書桓帝紀注

臺氏金天氏裔孫曰臺駘其後氏焉後漢書獻帝紀注

哀氏魯哀公之後因謚以為姓

後漢書劉聖公傳注

來氏楚有來英

通志氏族略

眞氏漢有太尉眞祐

廣韻十七眞通志氏族略

神氏神農之後漢有騎都尉神曜

廣韻十七眞

頻氏漢有酒泉太守頻暢

廣韻十七眞五筆通志氏族略

容齋

倫氏黃帝樂人伶倫氏之後

廣韻十八諄通志氏族略

鈞氏楚大夫元鈞之後漢有侍中鈞喜

廣韻十八諄通志氏族略作

御史鈞喜

春氏楚相黃歇春申君之後

通志氏族略

文氏周文王支庶以謚為氏越大夫文種



芬氏晉大夫芬賢

勤氏魯有大夫勤成

俱同上

垣秦邑也因以為姓秦始皇有將垣齮

後漢書公孫述傳注大昕案

今本史記作桓齮

尊氏尊盧氏之後

廣韻二十三魂

賁氏魯有賁浦

通志氏族略通鑑注漢紀四

恩氏陳大夫成仲不恩之後

廣韻二十四痕

丹氏晉有大夫丹木

廣韻二十五寒

安氏漢有安成為太守

廣韻二十五寒通志氏族略通鑑注晉紀二十八

莞蘇楚大夫見呂氏春秋漢有莞路為御史中丞

宋景文公

筆記文昭案莞路見漢書儒林顏安樂傳中宋所見  
本是艸下完故引為證蕭該音九又音官與師古云亦  
管字異但呂氏春秋長見篇作莧諱莧  
或莞字之誤歟莞蘇見新序一作莞蘇

冠氏古賢者鶚冠子之後廣韻二十六桓  
通志氏族略

瞞氏荆蠻之後本姓蠻其枝裔隨音變改為瞞氏廣韻二十

六桓

關氏關令尹喜之後廣韻二十七刪  
通鑑注漢紀二十八  
通志氏族

班氏楚令尹闔班之後廣韻二十七刪

山氏列山氏之後晉大夫山祈漢有武都太守山昱通志

氏族略

弦氏弦子後廣韻一先

羣書拾補  
子 風俗通逸文四十一  
抱經堂本

予氏予都古諸侯國也子孫以國爲氏

通志氏族略  
通鑑注晉紀二

二十

縣氏縣成父孔子門人漢有甘陵相縣芝

通志氏族略

虔氏黃帝之後莊子有虔天根

同上  
路史云  
虔氏出黃帝

宣氏宋宣公之後

通志氏族略

圉氏楚鬻熊之後

同上

騫氏仲尼弟子閔子騫之後

廣韻二仙  
通志氏族略

蕭氏宋樂叔以討南宮萬立御說之功受封於蕭列附

庸之國漢相國蕭何卽其後氏也

廣韻  
三蕭

刀

音雕

氏齊大夫豎刀之後戰國時有刀勃漢有刀閒齊

人以富聞子孫居勃海

廣韻三蕭  
通志氏族略

毛氏毛伯文王子也見左傳漢有毛樛之為壽張令

宋景

文公  
筆記

聊氏聊蒼為漢侍中著子書

廣韻三蕭  
通志氏族略  
云漢侍中聊蒼著書號聊

子

鼂氏衛大夫史鼂之後漢有鼂錯

廣韻四宵  
通鑑注漢紀七

饒氏漢有饒斌為漁陽太守

廣韻  
四宵

苗氏楚大夫伯棼之後賁皇奔晉食采於苗因而氏焉

廣韻四宵  
通鑑

注漢紀二十九

徭廣韻氏東越王徭句踐之後其後以徭為姓

後漢書  
岑彭傳

羣書合補

子 風俗通逸文四十二

抱經堂本

注

僑氏黃帝孫僑極之後通志氏族略

皋氏漢有司徒長史皋誨同上

阿氏阿衡伊尹號其後氏焉廣韻七歌通志氏族略

朝那東夷也其後單姓那氏通志氏族略

過國夏諸侯後因為氏漢有兗州刺史過栩廣韻八戈

麻氏齊大夫麻嬰之後漢有麻達注論語廣韻九麻通鑑

注晉紀十七又有麻光為御史大夫通志氏族略

家氏漢有家羨為劇令廣韻九麻

牙氏周大司徒君牙之後廣韻九麻通志氏族略

嘗氏齊孟嘗君之後

廣韻十陽

匡魯邑也句須爲之宰其後氏焉漢有匡衡

廣韻十陽通鑑注

漢紀

二十

芳氏漢有幽州刺史芳乘

乘一作垂志氏族略

廣韻十陽通鑑注漢紀三

三十

方氏方雷氏之後

通志氏族略

穰氏田穰苴諸田之族穰所食之邑因以氏焉

同上

襄氏楚大夫襄老之後

後漢書襄楷傳注

疆氏晉有大夫疆劍漢有疆華

通鑑注漢紀三十二

昌氏黃帝子昌意之後

通志氏族略

堂楚邑大夫五尙爲之

五卽伍字

其後氏焉

廣韻十一唐

蒼氏八凱蒼舒之後漢有江夏太守蒼英子孫遂爲江

夏人

通志氏族略

皇氏三皇之後因氏焉左傳鄭大夫皇頡皇辰宋有皇氏世爲上卿本皇父充石之後以字爲氏漢有琅邪相

皇運

同上

橫氏韓王子成號橫陽君其後

一作子孫

爲氏

廣韻十二庚通志氏族

略

京氏鄭武公子段封於京號京城太叔其後氏焉漢有

京房

廣韻十二庚通鑑注漢紀二十

卿氏趙相虞卿之後廣韻十戰國有卿秦為魏將或云

項羽將卿子冠軍宋義之後通志氏族略

甥氏晉大夫呂甥之後廣韻十

行氏漢有行祐為趙相後漢書光武紀注

衡氏伊尹為湯阿衡子孫以衡為氏一云魯公子衡之

後以王父字為氏通志氏族略廣韻十二庚引云阿衡伊尹之後又公衡魯公子後乃氏

焉

荆氏漢有九江太守荆修容齋五筆

營氏周成王卿士營伯之後漢有京兆尹營邵廣韻十四清

通志氏族略



嬰氏晉大夫季嬰之後

廣韻十四清通志作趙嬰齊

靈氏齊靈公之後或云宋公子靈圍龜之後晉有餓者

靈輒

廣韻十五青

冥氏漢有冥都爲丞相史

同上本脫史字今攷增

瓶氏漢有太子少傅瓶守

同上

冷氏黃帝時典樂冷倫之後

通志氏族略

恆氏楚大夫恆思公之後漢有東安長恆裴子孫因居

之

弘氏衛大夫弘演之後漢有宦者弘恭爲中書令

乘氏楚大夫子乘之後以王父字爲氏

俱同上

牛氏漢有牛崇爲隴西主簿馬文淵爲太守羊喜爲功

曹涼部云三牲備具

廣韻十九

犖氏晉大夫卻犖之後

同上

邱氏魯左邱明之後又齊太公封于營邱支孫以地爲

氏世居扶風漢末邱俊持節江淮屬王莽篡位遂畱江

左居吳興也

廣韻十八九 通鑑注 魏紀十 又隋紀四

謀氏周卿士祭公謀父之後

廣韻十八九 通志氏族略

牟子國祝融之後後因氏焉漢有太尉牟融

廣韻十八 通志

氏族略 通鑑 注漢紀三十七

州氏晉有州綽州賓其先食采于州因以爲氏

通志氏族略

魏紀七

疇氏摯疇古之諸侯後有摯疇氏摯氏疇氏

路史國名紀

由余秦相也見史記漢有由章至長沙太傅

宋景文公筆記

猷氏衛有猷康

通志氏族略

區氏歐冶子之後轉為區氏王莽時有郎中區博

婁氏邾婁之國子孫或以婁為氏或以邾婁為氏

俱同上

林氏林放之後

廣韻二十一侵

箴氏衛大夫箴莊子

同上

陰氏陰康氏之後周有陰不佞

通志氏族略

管修自齊遷楚

為陰大夫其後氏焉

廣韻二十一侵通鑑注漢紀三十二

岑氏古岑子國之後漢有岑彭

廣韻二十一侵

堪氏八元仲堪之後

廣韻二十二覃

聃氏周文王第十子聃季載之後

通志氏族略

奄氏奄國號卽商奄也魯地衛祝佗曰因商奄之民以

命伯禽今兗州有奄城秦大夫奄息其後也

兼氏衛公子兼之後

俱同上

委氏漢太原太守委進

廣韻四紙

李氏李伯陽之後

廣韻六止

俟氏有俟子古賢人著書

同上通志云六國賢人

幾氏宋大夫仲幾之後以王父字爲氏

通志氏族略

禹氏禹支庶以為氏路史夏后紀下

處氏史記趙有辨士處子故有處姓也後漢書酷吏傳注漢有

北海相處興廣韻八語容齋五筆作北海太守

旅氏周大夫子旅之後漢高功臣昌平侯旅卿傳封六

代通志氏族略

所氏宋大夫華所事之後後漢書獨行傳注困學紀聞七通志氏族略引作所

華漢有諫議大夫所忠史記司馬相如傳正義

甫氏甫侯之後廣韻九虞

府氏漢有司徒掾府悝同上志氏族略

武氏宋武公之後漢有武臣廣韻九虞

虎氏漢有合浦太守虎旗其先八元伯虎之後廣韻十姥容

筆齋五

扈氏趙有扈輒廣韻十姥

古氏周有古公亶父其後氏焉後漢書東平王蒼傳注通志氏族略

邱氏漢有上郡太守邱杜廣韻十一薺容齋通志杜作杜

采氏漢有度遼將軍采皓廣韻十五海

蹇氏漢有蹇蘭為交趾刺史通志氏族略

滿氏荆蠻有瞞氏音舛變為滿漢有滿昌廣韻二十四緩通志氏

族略通鑑注漢紀二十六

管夷吾齊桓佐也見論語漢有管號為西河太守宋景文公

羣書拾補 子 風俗通逸文四十七 抱經堂本

筆記

顯氏顯甫爲周卿

廣韻二十七銑

典氏漢有校尉典韋

通志氏族略

衍氏宋徵仲衍之後

同上

矯氏晉大夫矯父之後

後漢書逸民傳注

昊氏昊英氏之後一云少昊之後

通志氏族略

老氏顓帝子老童之後

同上

蔣氏周公之裔

廣韻三十六養

廣氏廣成子之後

通志氏族略

丙氏齊有大夫丙歆

廣韻三十八梗

靖氏單靖公之後以謚爲氏一云齊田氏之族靖郭君

之後

廣韻四十聲  
通志氏族略

有氏有巢氏之後仲尼弟子有若魯人漢有有祿通志氏族

糗氏漢有糗宗爲嬴長

廣韻四十四有  
通志氏族略

壽氏吳王壽夢之後壽於姚吳大夫

後漢書方術傳注  
通志氏族略

通鑑注宋紀十二  
云又有大夫壽越

耦氏宋卿華耦之後漢有侍中耦嘉

廣韻四十五厚  
通志氏族略

仲氏湯左相有仲虺

廣韻一送  
上文見前

用氏古有用國漢有高唐令用蚪

路史國名紀  
五筆通志氏族略



雍氏文王子雍伯之後

廣韻三用

被氏漢有牂柯太守被條

通志氏族略

備氏宋封人備之後

廣韻六至

利氏漢有利乾爲中山相

同上

摯氏摯疇古諸侯國也周有摯荒或言帝嚳之後

通志氏族略

略

遂虞後商人寘之遂

路史國名紀

懿氏齊懿公之後

通志氏族略

肆氏宋大夫肆臣之後

同上

食我韓公子也見戰國策漢有食子公爲博士食音嗣

宋景文公筆記 廣韻二十四職引云漢有博

士食于公河內人 通志作食子通河南人

嗣氏衛嗣君後 廣韻七志

忌氏周公忌父之後 廣韻七志通志氏族略

貴氏陸終之後漢有貴遷為廬江太守 廣韻八未容齋五筆通志

氏族

略

既氏吳夫槩王之後因避仇改為既氏漢有長安長既

良 通志氏族略

遇氏漢有遇沖為河內太守 廣韻十遇容齋五筆通志氏族略

鑄氏鑄國堯後 通志氏族略

露氏漢有上黨郡尉露平 廣韻十一暮通志氏族略

書合甫 風俗通逸文四十九 抱經堂本

庫氏古守庫大夫之後以官為氏漢有輔義侯庫鈞廣韻

十一  
暮

布氏趙有布子善相馬通志氏族略

桂氏漢有揚州刺史桂褒同上

世氏戰國時有秦大夫世鈞廣韻十

厲氏齊厲公之後漢有魏郡太守美陽侯厲溫通志世族略

艾氏龐儉母艾氏廣韻十四秦通鑑注晉紀二十四

賴氏漢有交阯太守賴光廣韻十四秦容齋五筆通鑑注漢紀五十八

大氏大庭氏之後通志氏族略

蒯氏晉大夫蒯得之後同上

載氏姬姓之後廣韻十九代路史國名紀

信氏魏公子信陵君之後通志氏族略

胥氏夏時侯國子孫氏焉路史國名紀通志氏族略

慎氏慎到為韓大夫著慎子三十篇通志氏族略

獻氏晉獻公之後戰國時有秦大夫獻則廣韻二十五願通志氏

族略

建氏楚太子建之後通志氏族略

段氏段干木之後廣韻二十九換姓段名干木路史國名紀齊東野語云恐

或失之

灌氏斟灌氏之後通鑑注漢紀一

諫氏周禮有司諫氏因以為氏漢有治書侍史諫忠廣韻

三十諫通

志氏族略

賤氏漢有右北平太守賤瓊廣韻三十三線容齋五筆通志氏族略

孝氏齊孝公之後廣韻三十六效

豹氏八元叔豹之後同上

到氏漢有東平太守到質容齋五筆

暴氏暴辛公周諸侯也秦有將軍暴鳶作薦誤孫改正漢御史

大夫暴勝之通志氏族略

播氏播鞮武商末賢人

胄氏新鄭人揚胄邨在縣西二十五里胄音頃

匠氏古有匠石

望氏齊太公望之後

俱同上

伉氏漢有伉喜為漢中大夫

廣韻四十二宕 後漢書桓帝紀注引云伉氏衛大

夫三抗之後漢有抗喜為漢中太守則字當從手旁大夫亦當為太守也

曠氏師曠之後

通志氏族略

敬氏陳敬仲之後

廣韻四十三映 通鑑注隋紀六

令氏楚令尹子文之後

通鑑注漢紀七 史記孝文本紀索隱

救氏漢有諫議大夫救仁

廣韻四十九宥 通志仁作父

晝氏齊大夫食邑於晝後因氏焉

路史國名紀 通志晝氏族略 廣韻云晝

邑大夫之後

廖氏古有廖叔安左傳作颺蓋其後也漢有廖覲為鉅

鹿太守

通志氏族略 通鑑注漢紀三十

竇氏夏后相遭有窮氏之難其妃方娠逃出自竇而生

少康其後氏焉

廣韻五十候 通鑑注漢紀五

監氏衛康叔為連屬之監其後氏焉

廣韻五十九鑑 通志氏族略

鹿氏漢有巴郡太守鹿旗

廣韻一屋 通鑑注晉紀二十 容齋五筆

沐氏漢有東平太守沐寵

廣韻一屋 通鑑注漢紀四十六 容齋五筆

鞠氏漢有尚書令平原鞠譚

廣韻一屋 或為魏氏音之譌也

通志氏族略

宿氏漢有鴈門太守宿詳

廣韻一屋 容齋五筆 通鑑注魏紀四

牧氏漢有越嚮太守牧稂

廣韻一屋

郇氏漢有東海太守郇熙

容齋五筆

祿氏紂子武庚字祿父其後以字爲氏

通志氏族略

沃氏太甲子沃丁之後

廣韻二沃通志氏族略

督氏宋大夫華父督之後晉有督戎漢有五原太守督

瓚

瓚一作瓚容齋五筆

廣韻二沃通志氏族略

僕氏漢有渾梁侯僕多

廣韻二沃

蓐氏蓐收之後

路史國名紀通志氏族略

逯秦邑也其大夫氏焉

後漢書郡傳注

漢有大司空逯竝

廣韻

三燭通志空作馬



濯氏濯韜之後

廣韻四覺

邳氏邳商時侯國也見毛詩漢有濟南太守邳都

路史國名

紀

通志氏族略通鑑注漢紀八

述氏魯大夫仲述之後

廣韻六術

謁氏古有謁者官因以為氏漢有汝南太守謁渙

一作瓊

又張湯小吏謁居

廣韻十月容齋五筆通志氏族略

闕氏承闕黨童子之後縱橫家有闕子著書

後漢書獻帝紀注

通鑑注漢紀五十二

漢有荊州刺史闕翊

通志氏族略

勃氏宋左師勃之後也晉有寺人勃鞞

通志氏族略

葛氏葛天氏之裔

同上

滑氏漢有詹事滑典

廣韻十四點

頡氏蒼頡古之賢人

通志氏族略

頡衛古之賢者

廣韻十六屑

鐸氏漢有廷尉鐸政

通志氏族略

幕氏舜祖幕之後

落氏皋落氏翟國也此赤翟別種

俱同上

作氏周公之子胙侯子孫因避地改焉漢有涿郡太守

作顯

通志氏族略容齋五筆

博氏漢有博子勞善相馬

通志氏族略韻云古有博勞

廣

薄氏衛賢臣薄疑漢高帝薄夫人生文帝夫人弟昭封

軹侯官至車騎將軍子戎奴嗣

通志氏族略通鑑周紀四

柏氏柏皇氏之裔通志氏族略

竿氏楚有竿倫通鑑注漢紀六十一

獲氏宋大夫猛獲之後通志氏族略

昔氏周大夫封昔因氏焉漢有昔登為烏傷令路史國名紀

容齋五筆通志氏族略

赤氏帝嚳師赤松子之後通志氏族略

析氏齊大夫析歸父廣韻二十錫

職氏漢有山陽令職洪廣韻二十四職容齋五筆

嗇氏古嗇氏子孫因氏焉通志氏族略

卽氏漢有單父令卽賣廣韻二十四職容齋五筆通志賣作費其先食

采卽墨因以命氏

通志氏族略

習氏習國名漢有習響爲陳相

通志氏族略通鑑注魏紀四

集氏漢有外黃令集一

廣韻二十六緝通鑑注魏紀九集作習疑彼誤容齋五筆

汲氏衛宣公太子伋之後居汲因以爲氏

通志氏族略

葉氏楚沈尹戌生諸梁食采於葉因氏焉

捷氏邾公子捷菑之後漢藝文志有捷子二篇六國時

人

輒氏衛出公輒之後漢有輒終古

莢氏莢成僖子晉大夫見世本

甲氏太甲之後一云鄭大夫石甲之後

俱同上

鄴氏漢有梁令鄴風

廣韻三十三業

東郭氏東郭牙齊大夫咸陽其後也

史記平準書索隱

東陵氏東陵侯邵平子孫氏焉

通志氏族略

東方氏伏羲之後帝出於震位東方子孫因氏焉

通志氏族

略能改齋漫錄平原厭次漢太中大夫東方朔

能改齋漫錄

公乘姓也

晉書音義

公賓氏魯大夫公賓庚之後

後漢書劉聖公傳注通鑑注漢紀三十一

公族氏晉成公立嫡子為公族大夫韓無忌號公族穆

子

後漢書黨錮傳注

公玉氏齊湣王臣有公玉冉其後也

史記封禪書索隱

中壘氏劉向爲中壘校尉支孫氏焉

通志氏族略

終黎氏

史記秦本紀集解

終古氏終古紂內史也因氏焉

通志氏族略

龍邱氏漢有高士龍邱萇

同上

司寇氏蘇忿生爲武王司寇後以官爲氏禮記司寇惠

子魯大夫

廣韻五十侯通志氏族略

司鴻氏古有司鴻苟著書漢中大夫司鴻儀

通志氏族略

鳩夷氏本范蠡也

綦母氏漢有廷尉綦母參

俱同上

期思氏有期思國

廣韻七之

威王氏漢有中郎威王弼出自楚威王後

廣韻十陽

諸葛氏葛嬰為陳涉將軍有功而誅孝文帝追錄封其

孫諸縣侯因并氏焉

吳志諸葛瑾傳注通志氏族略通鑑注漢紀二十

渠邱氏晉有渠邱公

路史國名紀晉疑莒之譌

於陵氏陳仲子齊世家辭爵灌園于於陵因氏焉

通志氏族

略

夫餘氏吳公子夫槩奔楚餘

一作其

子在吳

一作國

以夫餘

為氏

廣韻九魚通志氏族略

母車氏樂安母車伯奇為下邳相有主簿步邵南時人

稱母車府君步主簿

廣韻十虞

胡母氏本陳胡公之後也公子完奔齊遂有齊國齊宣王母弟別封母鄉遠本胡公近取母邑故曰胡母氏也

後漢書獻帝紀注

通鑑注漢紀四十八

西鄉氏宋大夫西鄉錯之後

通志氏族略史高辛紀下注

申徒氏隨音改爲申屠氏申徒狄夏賢人也湯以天下

授之恥以不義聞己自投於河莊子申徒兀者鄭人也

漢有西平將軍申徒建

通志氏族略

勝屠卽申徒也

史記酷吏傳索

隱

新垣氏魏將新垣衍畢公高之後漢書文帝時新垣平



善望氣

通志氏族略

淳于小國也桓五年不復其國子孫以國為氏

同上

聞人氏少正卯魯之聞人也其後氏焉

後漢書靈帝紀注通志氏族

略通鑑注漢紀四十八

軒轅氏軒轅即黃帝也姓公孫或言姓姬

通志氏族略

盆成氏盆成括仕齊孟軻知其必死其子逃難改氏成

焉

廣韻二魂十三

根牟子古賢者著書

廣韻二痕十四

邯鄲氏因國為姓漢有衛尉邯鄲義

廣韻二寒十五

鮮于氏武王封箕子於朝鮮其子食采於朝鮮因氏焉

後漢書第五倫傳注 案通鑑注引姓譜云武王封箕子於朝鮮支子仲食采於子因以鮮于爲氏此稱食采朝鮮疑譌

高堂氏齊卿高敬仲食采於高堂因氏焉 通志氏族略通鑑注魏

五紀

陽成氏陽成胥渠 舊作梁譌 晉隱士也漢有諫議大夫陽成

公衡 通志氏族略

將作氏漢官有將作少府因官爲氏

王人氏王人子突之後因氏焉漢有安平太守王人宰公

王史氏周先王太史號王史氏 俱同上

棠谿氏吳夫槩王奔楚封棠谿因以為氏

後漢書延篤傳注

青烏氏漢有青烏子善數術

廣韻十五青

青陽氏青陽黃帝子也始得姓焉

通志氏族略

丁若氏齊丁公子懿伯食采于若因氏焉

同上

周生姓也

後漢書馮衍傳注

投壺氏晉中行穆子相投壺因以氏焉

廣韻十九侯

侯史氏董狐為晉侯史官因氏焉

通志氏族略

斟灌氏夏諸侯也子孫氏焉

三烏氏有三烏大夫因氏焉

澹臺氏澹臺滅明字子羽武城人漢有博士澹臺恭

子仲氏魯宣公子仲之後

子獻氏齊大夫子獻之後也楚文王之時子獻遼爲大

夫俱同上

鬼谷氏鬼谷先生六國時縱橫家

通鑑注周紀二

武強氏漢武強侯王梁其後因封爲氏

廣韻九慶

武成氏趙平原君勝封武成君因氏焉

通志氏族略

五鹿氏五鹿衛邑也晉公子重耳封舅犯於五鹿支孫

氏焉漢有少府五鹿充宗

五王氏齊自威宣湣襄至建五王因以爲氏

古成氏苦成之後後隨晉改焉漢有廣漢都尉古成雲

俱同上

混沌氏少昊之良佐漢有屯莫如為常山太守宋景文公筆記

引蕭該漢書音義困學紀聞十二

浩羊氏齊大夫浩羊嘉通志氏族略

社南氏其先齊倡徙居社南因以為氏廣韻三十五馬

社北氏與社南皆齊倡通志氏族略

義渠氏狄國為秦所滅因氏焉

御龍氏陶唐氏之後有劉累學擾龍事夏孔甲賜氏曰

御龍氏

庫成氏本苦成方言音變為庫成俱同上

帝疇氏路史四

第八氏亦齊諸田之後田廣弟田英爲第八門因氏焉

王莽時有講學大夫第八矯通志氏族略案後漢書第五倫傳云其先齊諸田

徙園陵者多故以次第爲氏

內史氏周內史叔興之後也周又有內史過通志氏族略

信都氏張敖尙漢魯元公主封於信都因氏焉

謝邱氏周宣王支子食采謝邱

祝其氏宋戴公之子公子祝其爲大司寇因氏焉漢有

清河都尉祝其承先俱同上

牧師氏廣韻六脂

室中姓史記高祖功臣表索隱

屈侯氏魏賢人屈侯鮒漢有郎中令屈侯豫通志氏族略

注

褐冠氏竇人以褐冠為姓褐冠子著書通志氏族略

列僊氏路史四

櫟陽氏漢景丹封櫟陽侯丹曾孫分避亂櫟陽因封為

氏焉通志氏族略

白馬氏微子乘白馬朝周因氏焉

白象氏白象先生古隱者

白鹿氏白鹿先生古賢人著書

柏成氏柏成子高堯時諸侯也

百里氏秦大夫百里奚之後其先虞人家於百里因氏焉

息夫氏息公子邉爲大夫因氏焉漢有光祿大夫息夫躬

墨夷氏宋大夫有墨夷須墨夷皋俱同上

災異續漢書五行志故泰山太守應劭給事中董巴散騎常侍譙周竝撰建武以來災異故知

當有災異一篇

順帝之末京師謠曰直如弦如一作於死道邊曲如鉤反一作

乃封侯文選袁淑白馬篇注御覽七百六十七



桓帝元嘉中京師婦人作愁眉啼妝墮馬髻折胷步齟  
齒笑愁眉者細而曲折啼妝者薄拭目下若啼痕墮馬  
髻者側在一邊折胷步者足不任體齟齒笑者若齒痛  
不忻忻始自梁冀家所爲京師翕然皆放效之天戒若  
曰將收捕冀婦女憂愁蹙眉將啼也

後漢書梁冀傳注  
御覽三百六十

五 又四百八十八 錢案天戒以下語意未完續五  
行志云天戒若曰兵馬將往收捕婦女憂愁蹙眉啼泣  
吏卒掣頓折其胷脊令髻欹  
斜雖強語笑無復氣味也

延熹中京師長者皆著木屐婦女始嫁至作漆畫屐五  
采爲系謹案黨事始發傳詣黃門北寺臨時惶恐不能  
信天任命多有逃亡不就考者九族拘繫及所過歷長

幼婦女皆被桎梏應木屐像矣

御覽六百四十八  
又六百九十八

桓帝初京師童謠曰車班班入河閒言徵靈帝者輪班

擁節入河閒也

續漢書五行志注

京師童謠曰嚼復嚼今年尚可後年饒

京師謠歌曰烏臘烏臘案逆臣董卓滔天虐民窮凶極惡關東舉兵欲共誅之轉相顧望莫有先進處處停兵數十萬若烏臘蟲相隨橫取之矣

中平中京師歌董逃董卓以董逃之歌主爲己發大禁絕之死者千數

俱同上

孝靈帝建寧中京師長者皆以葦辟

疑

方笥爲妝其時

有識者竊言葦方笥郡國讞篋也今珍用之天下皆當有罪讞於理官也後黨錮皆讞廷尉人名悉入葦方笥

中斯爲驗矣

書鈔百三十五  
御覽七百十一

靈帝時京師賓婚嘉會皆作魁槿酒酣之後續以挽歌魁槿喪家之樂挽歌執紼相偶和之者天戒若曰國家當急殄悴諸貴樂皆死亾也自靈帝崩後京師壞滅戶有兼屍蟲而相食魁槿挽歌斯之效乎

續漢書五行志注

靈帝數以車騎將軍過拜孽臣內孽又贈亾人顯號加於頑凶印綬汙於腐屍昔辛有睹被髮之祥知其爲戎今假號雲集不亦宜乎

同上

靈帝於西園宮中駕四白驢躬自操轡馳驅周旋以爲  
大樂於是公卿貴戚轉相倣至乘軒以爲騎從價與馬  
齊凡人相罵曰死驢醜惡之稱也董卓陵虐王室執政  
皆死驢者服重致遠上下山谷野人之所用耳何有帝  
王君子而驂駕之者乎天意若曰國有大亂賢愚倒植  
凡執政者皆如驢也

御覽九  
百一

靈帝好胡服胡帳胡牀京師皆競爲之後董卓擁胡兵  
掠宮掖

御覽六百九十  
又七百六

光和元年司徒長史馮巡馬生胡子問養馬胡蒼頭乃

姦此馬以生子

續漢書五  
行志注

光和中雒陽男子夜龍從兄陽求臘錢龍假取繇數頗厭患之陽與錢千龍意不滿欲破陽家因持弓矢射予武東闕三發吏士呵縛首服因是遣中常侍尙書御史中丞直事御史謁者衛尉司隸河南尹雒陽令悉會發所劾時爲太尉議曹掾白公鄧盛夫禮設闕觀所以飾門章於至尊懸諸象魏示民禮法也故車過者下步過者趨今龍乃敢射闕意慢事醜次於大逆宜遣主者參問變狀公曰府不主盜賊當與諸府相候劾曰丞相邴言以爲道路死傷既往之事京兆長安職所窮追而住車問牛喘吐舌者豈輕人而貴畜哉頗念陰陽不和必

有所害掾史爾乃悅服漢書嘉其達大體今龍所犯然  
中外奔波邴吉防患太豫況於已形昭晰者哉明公旣  
處宰相大任加掌兵戎之職凡在荒裔謂之大事何有  
近目下而致逆節之萌者孔子攝魯司寇非常卿也折  
僭溢之端消纖介之漸從政三月惡人走境邑門不閤

一作閉

外收強齊侵地內虧三桓之威區區小國尙於趣

舍大漢之朝焉可無乎明公恬然謂非已

已下當脫一字

詩云

儀刑文王萬國作孚當爲人制法何必取法於人於是  
公意大悟遣令史謝申以鈴下規應掾自行之還具條  
奏時靈帝詔報惡惡止其身龍以重論之陽不坐其後

車騎將軍何苗與兄大將軍進部兵相攻擊戰於闕下  
苗死兵敗殺數千人龍者陽類君之象也夜者不明之  
應也此其象也

同上

熹平二年六月雒陽民謠言虎賁寺東壁中有黃人形  
容鬚眉良是觀者數萬省內悉出劭時爲郎故往視之  
何在共有人也走漏汙處膩赭流漉壁有他剝數寸曲  
折耳謹案季夏土黃中行用事又在壁中壁亦土也以  
見於虎賁寺者虎賁國之祕兵扞難禦侮必示於東東  
者動也言當出師行將天下搖動也天之以類告人甚  
於影響也

同上

光和四年四月南宮中黃門寺有一男子長九尺服白衣中黃門解步呵問汝何等人白衣妄入宮掖曰我梁伯夏後天使我爲天子步欲前收取因忽不見謹案尙書春秋左傳曰伯益佐禹治水封於梁廳叔安有裔子曰董父實甚好龍龍多歸之帝舜嘉之賜姓董氏董氏之祖與梁同焉到光熹元年董卓自外人因聞乘釁廢帝殺后百官總已號令自由殺戮決前威重於主梁本安定而卓隴西人俱涼州也天戒若曰卓不當專制奪矯如白衣無妄蘭入宮也白衣見黃門寺一云白衣見中黃門寺曹騰之及卓之末中黃門誅滅之際事類如此可謂無乎



季書抄補  
同上

靈帝之末禮樂崩壞賞刑失中毀譽無驗競飾僞服以  
盪典制遠近翕然咸名後生放聲者爲時人放聲二字疑譌有  
識者竊言舊曰世人次曰俗人今夏曰時人此天促其  
期也其間無幾天天下大壞也同上

熹平中有兩樗一宿長丈餘作人狀頭目宛然御覽九百五十  
九

夏禹廟中有梅梁忽一春本有生枝葉御覽九百七十

靈帝光和七年五行志作中平元年陳畱濟陰諸郡西及成皋陽

武城郭路邊艸生作人狀操持矛弩牛馬萬狀備具五行

志注有非但彷彿後關東義兵先起於宋衛之郊東郡類良熟然也二句

太守橋瑁負眾怙亂陵蔑同盟忿嫉同類以殞厥命陳留濟陰迎助謂爲離德棄好卽戎吏民殲殘艸娛之異

豈不或信

續漢書五行志注御覽九百九十四

中平中懷陵上有雀萬餘亂鬬殺頭懸著樹也

御覽九百二十

二